

古
逸
丛
书

合

通

生

市

影舊鈔卷子

本文館詞林

古逸叢書之十五

遵義黎
氏校刊

本
雨林
湯養
卷子

文館詞林卷第一百五十六

中書令太子賓客監修國史文館學士柱國高陽郡開國公臣許敬宗等奉

勅撰

四言

西晉歐陽建答石崇贈一首

西晉摯虞答伏仲武一首

西晉摯虞贈褚武良以尚書出為安東一首

西晉摯虞贈李叔龍以尚書郎遷建平太守一首

西晉鄭豐答陸士龍四首并序

西晉張翰贈張弋陽一首

西晉陸機答賈謐一首并序

贈顧令文為宜春令一首

贈武昌太守夏少明一首

西晉孫承贈陸士龍一首

西晉陸雲答孫承一首

贈鄭曼季四首

并序

西晉張載贈司隸傅咸一首

四言

荅石崇贈一首

於鑠我舅明德塞違俾扞東藩在徐之邳載播其惠
載揚其威濟寬惟猛方夏以綏光啓先業增曜重暉
咨余沖人艱苦攸離過庭無聞頑固匪移寔賴慈誨

導之軌儀仰遵嘉詠俯蹈明規如葛斯蔓如櫟之垂
旋機迴度逝者如流日与月与稔丹代周自我之曠
載履春秋瞻望遐路邈矣其悠心之云慕思結綢繆
人亦有言爰而勿勞淮渭河廣曾不容刀乃徂來邁
適此西郊在乾之二爰著茲爰我邁君子仰之矜高
巖々其高即之惟溫居盈思冲在貴忘尊縱酒嘉讌
自朋及昏無幽不折靡輿不論人樂其量士感其敦
荅伏仲武一首

西晉摯虞

崇山栖鳳廣泉含螭洋洋大府儔德攸宜用集羣英
叅翼弘規皇暉增曜明兩作離其爰有伏生東夏之
秀盛德如新畜智如舊雋材積藝待時而茂九德殊

塗道將爲就_{其二}邂逅之遇良願是適同閑比屋笑語
卒獲望宋謂近曾不咫尺一葦則杭矧茲隔壁_{其三}既
近其室不遠其心齊此篤愛惠予好音金聲玉振文
豔旨深孰不歌詠被之瑟琴

贈褚武良以尚書出爲安東一首

蕩々大晉奄有八荒畿服既寧守在四疆桓々褚侯

鎮彼遐方變文膺武々出龍驤_{其一}武有七德衆鮮克

舉帝用是難訓咨既普雖有周親唯能是与大同之

吉歸美于褚_{其二}褚侯之邁人望實大企彼江淮眇焉

如帶智名不彰勇功斯廢靡德而稱靡仁而賴_{其三}濟

々百辟穆々皇朝雖則異事誰非同寮出者眷之處

者戀之情發於中用著斯詩

贈李叔龍以尚書郎遷建平太守一首

我有良朋時惟李生拊翼岐蜀翻飛上京明試以功

聿駿有聲三載考績剖符建平其惟彼建平居江之

瀨明人在上率下和會誰謂水深曾不浮芥誰謂曠

遠王道無外其亦既受命作式南蕃樞機之發化流

夷蠻多見闕殆以慎余愆無自立辟而踰短垣其龍

愛同泉鳳戀共林之子云往我勞殫深既有行李以

通其音南龜象齒實將云心

答陸士龍四首

西晉鄭豐

鴛鴦美賢也有賢者二人雙飛東嶽揚輝上京其兄

已顯登清朝而弟中暫婆娑衡門然其勞謙接士吐
捉待賢雖姬公之下白屋洙泗之養三千無以過也
乃肯垂願惠我好音思与其遊道德之樂結永好之
懽云尔

鴛鴦于飛在江之渚和音交暢捩翼雙起朝遊蘭池
夕宿蘭沚清風翕習扇彼蘭芑凌雲高厲載翔載止
其鴛鴦于飛載飛載吟有爵浚斂實惟桂林芳條高
茂華繁垂陰爰翔爰憩其南有馥其芬協我好
音_二其鴛鴦于飛垂雲高翔有嚶其友戢翼未翔澹淡
素波容与超倡雖曰戢止和音遠揚我有好爵与子
偕當_三其鴛鴦于飛徘徊翩翩載頔頔願侶鳴群有

鬱蘭皋洌彼清源駕言遊之聊樂我云思与佳人齊

懽順川

其

鴛鴦于飛或矯或遊習々谷風扇彼清流

春草揚翹黿魚沈浮感物興想我心長憂誰謂河廣

增不容舟企予望之搔首踟躕

其

鴛鴦于飛載和其

鳴懷余好音寘我中情人亦有言心得遺刑探我木

瓜投余瑤瓊匪繫曰報永好千齡

其

南山酬至德也君子在衡門脩道以養和弃物以存

神人思其化士懷其德或思置之列位或思從之信

宿詩人嘉与此賢當年相遇又屢獲德音倩懽心至

故作是詩焉

陟彼南山言采其蕭樂只君子邦家之翹克茂厥猷

至道是收耽道以儉廣愛以周嗟我懷人永好千秋
其適彼江潭言釣其鱖有羨碩人自公遐處羔裘逍
遙輔德退攀白駒邈時俗事孰与思我猗人寘之音
序有客信宿獨寐寤語其天高地卑玄黃烟煴人道
交泰自昔先人耽文合好輔位与仁管叔罕喬曠載
鮮鄰脩組絕結玄矢生塵咨我与子邁會當身琴瑟
在御永愛纏綿其盤彼江深言泳其潭所謂伊人在
川之陰養和以泰樂道之潜錦衣尚絅至樂是耽興
言永思繫懷所欽愛而不見獨寐寤吟其詩以言志
先人是經乃惠嘉訊德音惟馨欽詠繁藻永結中情
華文傷實俗士所營達人神化反之混冥交弃其數

言取其誠思与哲人獨寶其貞

其五

蘭林懽至好也有君子代濟其美英名光茂遭時暫
否畜德衡門顧我殷勤屢辱德音思与結好以永不

刊

瞻彼蘭林有翹其秀有斐君子邦之碩茂厥德伊何
固天攸授如川之原如山之富回流清泉啓襟開袖
搢紳晞風人用胥附

其猗

碩人如玉如金沃其明

哲克廣德心習々凱風吹我棘林飛鴉萃止允懷好
音悠々征徒輶德鮮任嗟我猗人實味實耽

其二

在昔

延州鵠鳴江涯今我陸子曠代繼音身乖千載德音
並馳漸鴻遵渚宛其羽儀安得高風騰翮天池

其三

飛

龍蜿蜒山谷氣翳猛獸嘯吟清風高厲情同來感數
垂身逝夷範齊懽專名前代愷悌君子人之攸懃咨
予遭時千載同愛其垂隴之會匪詩不宜嗟我懷人
斯恩殷勤德音來訊有蔚其文耀々儵兇匪迹不存
誠在心德愛法忘言其五

瞻彼中陵蘭蕙猗々顯允君子樂且有宜沈仁育物
玄聰鏡機德充闡庭名逸南畿祁々俊乂言酌言依
其鼓鐘于宮百里震聲亶々令問歸我偉貞厥震伊
何駿奔以驚厥問伊何人肯以寧有鶴在陰非子誰
鳴我有好爵非子孰盈其潛龍遁初有鳳戢翬王猷
未泰彛倫錯違皇問重管係尔啓扉庶績迨數非尔

爲綏翼々京宇尔瞻尔睇人之骨望如渴如飢其德
音來惠覆玩三周沈潤泉洞逸藻雲浮結心所親曷
顯曷渝路隔河梁一葦限殊終朝之思三秋是喻愛
而不見興言跼蹐其四

贈張弋陽一首

西晉張翰

時道立曠階軌難尋散纓放冕負劒長吟昆弟等志
託茲幽林立墨澄氣虛靜和心其惟我友愛纏綿往
昔易尚去俗携手林薄輕露給朝遺英飽夕逍遙永
日何求何求何索其潛光重陰抱悴如榮絕路既續
捨我遐征東帶皇城升降都城爰賴爰慕忡予中情
其三負薪弗克耕者妨力鍾儀彈弦顧瞻先職遺其綿

綿憂心慘惻乃抗乃拔釋我繞邑其將逝命駕陟彼
郊圻和鸞搖響載驅載馳言告分別言歸心怨辭苦
張高弦哀其楊柳可卷去在斯時流淚可折豈云旋
歸行役必偕傷我長離借喻孤禽矜翼翩跹其昔我
惟樂羣居多時今我斯懷纏綿萬里人亦有分或通
或否行矣免致我誠永已

荅賈謐一首

并序

西晉陸機

余昔為太子洗馬魯公賈謐以散騎常侍、東宮積
年余出補吳王郎中令元康六年入為尚書郎魯公
贈詩一篇作此詩荅之

伊昔有皇肇濟黎蒸先天創物景命是膺降及羣后

迭毀迭興邈矣終古崇替有徵其在漢之季皇綱幅
裂大辰匿暉金獸曜質雄臣騰驚義夫赴節釋位揮
戈言謀王室其王室之亂靡邦不泯如彼墜景曾不
可振乃眷三哲俾乂斯人啓士綏難改物承天其爰
茲有魏即宮天邑吳實龍飛劉亦岳立于戈載揚俎
豆載戢人勞師興國玩凱入其天厭霸德皇祈告豐
獄訟違魏謳歌適晉陳留歸蕃我皇登禪庸岷稽顙
三江改獻其赫矣隆晉奄宅率土對揚天人有秩斯
祐惟公太宰光翼二祖誕育洪胄纂戎于魯其東朝
既建淑問峨峨我求明德濟同以和魯公戾止衣服
委蛇思媚皇儲高步承華其昔我遯茲時惟下僚及